

集雜書故郡稽會

魯迅編

2003



新月出版社出版







會稽郡故書雜集

魯迅編



新月出版社出版



魯迅編
會稽郡故書雜集
定價港幣一元三角

新月出版社出版

香港蘇杭街一二二號

南昌興記印務公司承印

香港德忌利士街四十二號


版權所有・不准翻印

一九六二年五月版

目 錄

序

謝承會稽先賢傳·····	七
虞預會稽典錄·····	一五
鐘離岫會稽後賢傳記·····	六九
賀氏會稽先賢像讚·····	七五
朱育會稽土地記·····	八一
賀循會稽記·····	八七
孔靈符會稽記·····	九三
夏侯曾先會稽地志·····	一〇三





序

會稽郡故書雜集者，最史傳地記之逸文，編而成集，以存舊書大略也。會稽古稱沃衍，珍寶所聚，海嶽精液，善生俊異，而遠於京夏，厥美弗彰。吳謝承始傳先賢，朱育又作土地記，載筆之士，相繼有述。於是人物山川，咸有記錄。其見於隋書經籍志者，雜傳篇有四部，三十八卷，地理篇二部，二卷。五代雲擾，典籍湮滅，舊聞故事，殆跼子遺。後之作者，遂不能更理其緒。□□幼時，嘗見武威張澍所輯書，於涼土文獻，撰集甚衆，篤恭鄉里，尙此之謂。而會稽故籍，零落至今，未聞後賢爲之綱紀。乃捫就所見書傳，刺取遺篇，縶爲一裘。中經游涉，又聞明哲之論，以爲夸飾鄉土，非大雅所尙。謝承虞預，且以是爲譏於世。俛仰之閒，遂輟其業。十年已後，歸於會稽。禹句踐之遺迹故在。士女敖嬉，睥睨而過，殆將無所眷念。曾何夸飾之云！而

土風不加美。是故序述名德，箸其賢能，記注陵泉，傳其典實，使後人穆然有思古之情，古作者之用心至矣！其所造述雖多散亡，而逸文尙可攷見一二。存而錄之，或差勝於泯絕云尔。因復撰次寫定，計有八種。諸書衆說，時足參證本文，亦各最錄，以資省覽。書中賢俊之名，言之行之迹，風土之美，多有方志所遺。舍此更不可見。用遺邦人，庶幾供其景行，不忘於故。第以寡聞，不能博引。如有未備，覽者詳焉。太歲在闕逢攝提格九月既望會稽□□□記。



謝承會稽先賢傳

傳序

隋書經籍志，會稽先賢傳七卷，謝承撰。新唐書藝文志同。舊唐書經籍志作五卷。侯康補三國藝文志云：御覽屢引之。所記諸人事，多史傳之佚文。嚴遵二條，足補後漢書本傳之闕。陳業二條，足以證吳志虞翻傳注。吉光片羽，皆可寶也。今撰集爲一卷。承字偉平，山陰人。吳主孫權時，拜五官郎中。稍遷長沙東部都尉，武陵太守。撰後漢書百餘卷。見吳志謝夫人傳。

會稽先賢傳一卷

謝承撰

嚴遵

光武詔嚴遵范曄後漢書通鑑嚴光一名遵字子陵會稽餘姚人沈欽韓疏證云董者皆未還中土會稽頗稱多士延爲會稽都尉如董子儀詣行所遇蜀郡獻橘栗上賜公卿嚴子陵皆待以師友之禮以此證之子陵非會稽人明矣諒行所遇蜀郡獻橘栗上賜公卿以下各以手所及取之遵獨不取上曰不敢取者誰遵對曰君賜臣以禮臣奉君以忠事類賦注

引二十七恭今賜無所主臣是以不敢取又覽九百六十四

董昆

董昆字文通先賢像讀云九引會稽爲大農帑丞坐無完席御覽七百九後漢書鈔云一百三初爲司農帑丞得遷鉅鹿太守載三車錢穀所出給見在券薛臣自隨論者咸爲主內實食種外求虛名連車重載此必不空詔書后覆大司農帑藏錢穀前主者有出入徵見昆討實板

悉載三車劇諸宮無它物章帝嘉之擢爲楚郡太守案此文譌奪其多無以審正今第依錄尙得見其大略

沈勳

沈勳字子異，徵調南宮祭酒。御覽引作徵拜尙書令。持節臨辟雍，名冠百僚。書鈔五十二

百太守。案勳山陰人嘉泰會稽志七云光相寺在府西北三里三百七步後漢太守沈勳公宅萬歷志云相傳卽四寺又云沈勳桓帝延熹中會稽太守

淳于翼

淳于長通開元占經一百二十引會年十七說宓氏易經洞貫內事萬言兼春秋鄉黨

稱曰聖童。御覽三百八十五案翼上虞人桓帝時爲洛陽市長袁宏後漢紀云度尙爲上虞縣長縣民故洛陽市長淳于翼學問淵深大儒舊名常隱於田里希見長吏尙爲上候之長到其門翼不卽相見主簿白還乃聽停車待之翼哺乃見尙宗其道德極談乃退

茅開

茅開字季閻，餘姚人。爲督郵，平決厭衆心。嘗之部，歷其家，不入門。當路向堂朝拜。府君

益善之。御覽二百五十三

陳業

陳業字文理。吳志虞翻傳注引會稽典錄云上虞人郡守蕭府君卒，業與書佐魯雙率禮送葬。雙道溺於水。業因掘泥揚波，援出其尸。御覽四百二十一

業兄渡海，復見二字。御覽傾命。時同依止者五十六人。御覽引作乃五十六人骨肉消爛而不可辨別。業仰皇天，誓后土，曰：聞親戚者必有異焉。因割臂流血，以洒骨上。應時飲血。御覽引作飲血一作餘皆流去。初學記十七御覽四百六十一又得血住。

闕澤

吳侍中闕澤，字德潤，山陰人也。案吳志有傳在母胎八月，而叱聲震外。年十三，夜夢名字炳然，縣在月中。後遂昇進也。御覽三百九十八又四又三百六十事類賦注一

賀氏

賀本慶氏后稷之裔。太伯始居吳。至王僚，遇公子光之禍。王子慶忌，挺身奔衛。妻子迸度湖，水，隱居會稽上。越人哀之，予湖澤之田，俾擅其利。表其族曰慶氏，名其田曰慶湖。今爲鏡湖，傳譌也。安帝時，避帝本生諱，改賀氏，水亦號賀家湖。賀鑄慶湖遺老集序寶慶會稽續志四案晉書賀循傳云其先慶

晉避安帝父禮世所謂慶氏學族高祖純博學有重名漢安帝時爲侍中

虞預會稽典錄

典錄序

隋書經籍志，會稽典錄二十四卷，虞預撰。舊唐書經籍志，新唐書藝文志同。預字叔寧，餘姚人。本名茂，犯明帝穆皇后諱，改。初爲縣功曹。見斥太守庾琛，命爲主簿。紀瞻代琛，復爲主簿。轉功曹史。察孝廉，不行。安東從事中郎諸葛恢，參軍庾亮等薦預，召爲丞相行參軍兼記室。遭母憂。服竟，除佐著作郎。大興中，轉琅邪國常侍，遷祕書丞著作郎。咸和中，從平王含，賜爵西鄉侯。假歸，太守王舒，請爲咨議參軍。蘇峻平，進封平康縣侯，遷散騎侍郎，著作如故。除散騎常侍，仍領著作。以年老歸，卒於家。撰晉書四十餘卷，會稽典錄二十篇，見晉書本傳。典錄，宋史藝文志已不載，而宋人撰述，時見稱引，又非出於轉錄。疑民間尙有其書。後遂湮昧。今摭緝逸文，尙得七十二人。略依時代次第，析爲二卷。有慮非本書者，別爲存疑一篇，增

於
末。

會稽典錄卷上

虞預撰

范蠡

范蠡字少伯，越之上將軍也。本是楚宛三戶人，

越絕外傳紀策考云：被髮二字，御伴狂，生於宛，桑或伍之虛。蠡引有。

偶儻負俗。文種爲宛令，游三戶之里，下車謁蠡。蠡不爲禮。種還館，復遣使奉謁。蠡默而不言。

已上六句，史記正義引補。遺吏謁奉，今據書鈔引補。

吏還曰：「范蠡本國狂人，生有此病。」種笑曰：「吾聞士有賢俊，書鈔御並。」

賢聖之資，必有伴狂之譏。內懷獨見之明，外有不知之毀。此固非二三子之所知也。駕車而

往，蠡避之。後知種之必來謁，謂兄嫂曰：「今日有客，願假衣冠。」有頃，種至，抵掌而談。越絕外傳記：范伯云。

謂大夫種曰：二王則三皇之苗裔也。五伯乃五帝之末世也。天運歷紀千歲，一至黃帝之元，執辰破已，霸王之氣見於地戶。子胥以是挾弓干吳王。

史記越王勾踐世家正義書鈔九：十八又三十四御覽四百七十四。

吳王使王孫雄謂范蠡曰：「子先人有言曰：『無助天爲虐，助天虐者不祥。』今吾稻蟹無遺。」

種，子將助天爲虐，不忌其不祥乎？御覽四百九十二

計倪

越王近侵於強吳，遠愧於諸侯，乃脅諸臣而欲與之盟。吾欲伐吳，奈何而有功？羣臣未對。王曰：夫主憂臣辱，主辱臣死。何大夫易見而難使者？計倪官卑年少，其居在後舉，手而起曰：殆哉！非大夫易見難使，是大王原作大夫據越絕外傳計倪改不能也！王曰：何謂也？倪曰：夫官位財幣，王之所輕，死者，士之所重也。王愛所輕，責人所重也，豈不難哉！御覽四百六十九史記貨殖列傳集解云徐廣曰計然者范蠡之師名研又索隱云吳越春秋謂之計倪漢書古今人表計然列在第四則倪之與研是一蠡人聲相近而相亂耳案意林引范子云計然者葵丘濮上人姓辛名文子少而明學陰陽見微知著不肖自顧諸侯陰所利者七國天下莫知故稱曰計然時邀遊海澤號曰漁父范蠡請見越王計然曰越王爲人鳥喙不可與同利也未嘗仕越與計倪處非一人

宋昌

昌，宋義孫也。史記孝文本紀案隱案史惠景聞侯者年表云壯武侯宋昌以家吏從高祖起山東以都尉從之祭陽食邑以代中尉勸代王入驂乘至代邸王卒爲帝功侯千四百戶詳見孝文本紀又林寶元和姓纂云宋昌爲漢中尉始居西河介休

鄭吉

鄭吉漢書本傳云會稽人今案會稽山陰人也范曄後漢書鄧弘傳注引謝承書云弘曾祖父本齊國臨淄人官至蜀郡屬國都尉武帝時徙強宗大姓不得族居將三子移居山陰因家焉長子吉雲中都尉西城都護既破車師降日逐威鎮西域遂并護車師以西北道故號都護都護之置自吉始焉上嘉其效乃下詔曰都護西域騎都尉鄭吉撫循外蠻宣明威信功效茂著其封吉爲安遠侯御覽二百

陳囂

陳囂字公山陰人也御覽四百十五

囂與民一作明紀伯爲鄰伯夜竊囂地自益囂見之伺伯去後密拔其藩一丈以益伯伯覺之慚懼既還所侵又卻一丈太守周府君高囂德義刻石旌表其閭號曰義里御覽一百一十九

同郡車姬年八十餘無子慕囂仁義欲求寄命囂以車姬有財未敢便許乃咨於長者

長者僉曰：甚宜。囂遂迎嫗。朝夕定省，如其所親。出家財以供肴膳。嫗以壽終。囂殯斂畢，皆免其奴，令守嫗墓，財物付與。嫗内外衣服不入殯者，以值槨中。制服三月。由是著名，流稱上國矣。御覽四百十五

宗正劉向，黃門侍郎楊雄，薦囂待義，可厲薄俗。孝成皇帝特以公車徵。囂時年已七十。每朝請，上每待以師傅之禮。御覽四百七十四書鈔五十六引謝承書云：賜几杖，入朝不趨，贊事不名，以病乞骸骨，以大夫位終。

嚴光

嚴光一名遵，御覽四百九十八字子陵，與世祖俱受業長安。御覽九十引建武六年，下詔徵遵。

御覽九十引建武元年徵光。玉海一百五十九引作五年。光設樂陽明殿，命宴會，論故舊累日。拜爲諫議大夫。二句御覽九十又

四百九十莫畱宿。遵以足荷上。御覽引作其夜，客星犯天子座甚急。二句御覽九十又

聞上曰：此無異也。昨夜與故人二句嚴子陵俱臥耳。藝文一書鈔十一又一百五十二

光武嘗出南郊，嚴遵曳長裾，持鹿扇，住立不動。天子下車，揖而別。御覽四百七十四

鍾離意

郡署意

范曄書本傳云字子阿山陰人

北部督郵

烏程男子孫常，常弟烈，分居，各得田半頃。烈死，歲饑，

常以稻米粟給烈妻子，輒追計值作券，沒取其田。烈兒長大，訟。掾史議皆曰：烈孫男兒遭飢，

常賴升合，長大成人，而更爭訟，非順孫也。意獨曰：常身為伯父，當撫孤弱，是人道正義。稍以

升合券取其田，懷姦挾私，貪利忘義。烈妻子雖以田與常，困迫之至，非私義也。請常俾烈妻

子。于是衆議無以奪意之理。御覽六百三十九

意爲堂邑令。縣民房廣，

范曄書云防廣

爲父報仇，繫獄。其母病死。房廣痛之，號泣於獄。意爲之

悽惻。出廣見之曰：今欲出若，歸家殯斂。有義則還，無義則已。丞掾諫，以爲不可。意曰：不還之

罪，令自受之。廣臨殯畢，卽自詣獄。以狀表上。詔減死一等。

御覽六百四十三初學記二十

意爲尚書僕射時，匈奴有降者，詔賜縑三百匹。尚書郎暨鄴誤以三千匹賜之。上大怒，

鞭鄴殿下，重痛時死。意且排閣入，諫曰：陛下德被四表，恩及夷狄。是以左衽之徒，稽首來服。

愚聞刑疑從輕，賞疑從重。今陛下以鄴賞誤，發雷霆之威。海內謂陛下貴微財而賤士命也。

御覽六百四十九書鈔五十九引意別傳云明帝以意陳合大義
損怒霽敕太官掾賜酒藥詔謂意曰非鐘離尙書朕幾誤降威於此耶

鄭弘

鄭弘字巨卿。御覽四百三十三范書本傳云巨卿山陰人

弘爲縣宰，又靈文當作鄉嗇夫。太守第五倫，見弘問民之得失，深異之也。書鈔七

弘爲靈文鄉嗇夫。一作守陽美郡鄉民有弟用兄錢者，爲娵所責，未還。娵詣弘訴之。弘賣中單原注即今爲叔還錢。兄聞之，慙愧，自繫於獄。遣其婦婢一作齋錢還弘。弘不受。御覽四百三十三又

十四百九

弘爲郡督郵，上計吏。時計掾句章任尙，居素溫富，乘鮮車，駕肥馬。弘恆在後。尙輒罵弘，無愠容。弘尙在京師游學還郡，俱見府君。府君所問，弘無不對，而尙不知出。又問弘：掾行道數相折辱，何以不答？弘謝曰：過奉顯使，無光國之美，馬羸行遲，掾恐失期，賀以相催促，自是其宜。愚聞兩虎共鬪，大者必傷，小者必死。兩爲無益，故不敢答。府君歎曰：此謂長者，太守不能也。御覽四百三

弘爲鄒令。魯國當春，霜隕殺物，鄒縣獨無霜也。書八永平十五年，蝗發泰山，郡國被害。過鄒不集，郡以狀上。詔書以爲不然。自朕治京師，尙不能攘蝗。鄒令何人，而令消弭！遣案驗之。藝文一百 范書本傳注引 謝承書云遣使案行如言也

鄭弘遷臨淮太守。范書本傳云遷淮陰太守劉攽曰漢無淮陰當是淮陽時未爲陳國說弘爲臨淮太守劉攽說國爲當作淮陽非也今案藝文類聚九十五引謝承書亦作臨淮也郡民徐憲在喪致哀，白鳩巢戶。御覽側弘舉爲孝廉。朝廷稱爲白鳩郎。藝文九十二 御覽九百二十一

弘拜尙書令。原奪此字据 范書本傳補舊典，郎秩滿，補縣長，令史爲丞尉。弘奏以爲臺職位尊而賞薄，人無樂者。請使郎補縣令，令史爲長。二字御覽 引作焉上從其議。自此爲始。藝文四十八 御覽二百十二

盛吉

盛吉字君達，山陰人。司徒虞延辟西曹掾。時隴西太守鄧融以賊罪徵詣廷尉。前後攷驗，屢不服。明帝下三府，遣精能掾吏，更就彈劾。吉到詔獄，但敕主者供湯沐飲食，不去問事。明日復往，解融桎梏，安徐以情實告君。若無賊強見誣枉，宜具列辭，當相仲理。如審有罪，不

得誣罔國家。融感吉意，即移辭首服。御覽六百四十二

吉歷司徒職方，拜侍御史，一月而遷中丞。書鈔六十二

盛吉拜廷尉。吉性多仁恩，書鈔引作務在哀矜。每至冬月，罪囚當斷，夜省刑狀。其妻執

燭，吉手持丹筆，夫妻相向垂泣。已上亦見書鈔三十九御覽二十妻常謂吉曰：君爲天下執

法，不可使一人濫罪。已上亦見蘇文四十九御覽二百四十一又六百四十九殃及子孫。所當平決。若無繼嗣，吉令其妻妾

得入經營，使有遺類。視事十二年，天下稱其有恩。御覽二百三十一又四百九初學記十二

孟英

孟英字公房，上虞人，爲郡掾吏。王憑坐罪，未應死。太守下縣殺憑。憑家詣闕稱冤。詔書

下州檢拷英，出定文書，悉著英名。楚毒慘至，辭色不變。言太守病，不關衆事。英以冬至日入

占病，因竊印以封文書，下縣殺憑，非太守意也。繫歷冬夏，骨肉皆消爛。遂不食而死。御覽四百

二十

孟嘗

孟嘗案嘗字伯周上虞人仕郡戶曹史。上虞有寡婦雙，養姑至孝。姑卒病亡，其女言縣以雙殺其母。縣不斷理結，竟言郡。郡報治罪。嘗諫以爲：此婦素名孝謹，此必見誣。固諫，不聽。遂具獄文書，哭於府門。後郡遭大旱三年，上虞尤甚。太守殷丹下車訪問。嘗具陳雙不當死。誅姑女，改葬孝婦。丹如言。天應時雨注。御覽六百四十五

梁宏

梁宏，句章人也。太守尹興召署主簿。是時楚王英謀反，忘疏天下牧守謀發，興在數中。徵詣廷尉。宏與門下掾陸績等傳考詔獄，掠毒慘至，辭氣益壯。御覽六百四十九

鄭雲

雲字仲興，句章人也。學韓詩、公羊春秋，爲主簿。後以劉雋事，獄死。郡以狀聞，旌表門閭。

乾道四明圖經五寶慶四明志八案圖經又云雲與梁宏皆爲主簿
俱敦終始之義州里稱之蓋本朱青述虞仲翔對王景興語當在青傳

謝夷吾

謝夷吾字堯卿，山陰人也。

御覽六百三十九術篇案夷吾有傳在范書方術篇

夷吾爲郡功曹吏。太守第五倫妻

車馬入府，無所關啓。夷吾鞭功曹佐吏門闌，卒牽與馬出之。收其人從，倫爲解之。良久乃已。
御覽六百三十九

爲荊州刺史，行部到南魯縣。遇孝章皇帝巡狩，幸魯陽。上未見刺史班秩，有詔敕夷吾

入，傳錄囚徒，見長吏勿廢舊儀。上臨西廂南面，夷吾處東，分推以其事。夷吾省錄囚徒。有亭

長姦部民妻者。縣言和姦。上意以爲吏劫。

一作姦

民何得言和。觀刺史決，當云何。頃，一作須與夷吾

呵之曰：亭長，詔書朱幘之吏，職在禁姦。今爲惡之端，何得言和！切讓三老孝弟，一作長吏亭長罪

其所決。正一縣三百餘事，與上台。章帝歎曰：使諸州刺史盡如此者，朕不憂天下矣！特遷鉅

鹿太守。臨發，陛見，賜車馬劍帶，敕之曰：鉅鹿劇郡，舊爲難治。以君有撥煩之才，故特授任。無

毀前功！
御覽六百三十九又二百五十八

夷吾轉下邳令，預自尅死日。如期果卒。敕其子曰：漢末當原作書本傳改范亂，有發掘露體之禍。使縣棺下葬，墓不起墳。御覽五百五十六

董 昆

董昆字文通，餘姚人也。少游學，師事潁川荀季卿，受春秋治律，明達理法，又才能撥煩。縣長潘松，署功曹史。刺史盧當作孟行部，垂念冤結。松以孟明察於法令，轉署昆爲獄史。孟到，昆斷正刑法，甚得其平。孟問昆：本學法令，所師爲誰？昆對：事荀季卿。孟曰：史與刺史同師。孟又問昆：從何職爲獄史？松具以實對。孟歎曰：刺史學律令，猶不及昆！召之署文學。御覽六百八十

昆遷廷尉卿，持法清峻，閉門不發私書。書鈔五十三御覽二百三十一

王 充

王充字仲任，范書本傳爲兒童，不好狎侮。父誦，奇之。七歲教書數。御覽三百八十

趙曄

趙曄字長君，山陰人也。案碑有傳在少爲縣吏，舉檄迎督郵。曄甚恥之。由是委吏，到隄
爲詣博士杜撫受韓詩。撫嘉其精力，盡以其道授之。積二十年，不還家。人爲之發喪制服。至
撫卒，曄經營葬之，然後歸家。御覽五百五十六

董黯

董黯字孝治，句章人。家貧，採薪供養。得甘果，奔走以獻母。母甚肥。說隣人家富有，子不
孝，母甚瘦小。不孝子疾黯母肥，常苦辱之。黯不報。及母終，負土成墳，烏獸助其悲號。喪竟，殺
不孝子置冢前以祭。詣獄自繫。會赦得免。御覽三百七十八又四百八十二蘇文三十三事
母孝母疾嗜句章溪水遠不能常致黯遂築室溪濱板輿就養疾乃痊比隣王寄之母以
風寄母忌之伺黯出辱其母黯恨入骨母死慟切枕戈不言一日斬寄首以祭母自白於官
奏聞和帝詔釋其罪且旌異行召拜郎中不就由是以慈名漢以董孝名鄉今子城東南有
廟舊志謂即其故居則黯本鄞人也虞翻謂爲句章人据其徙居慈溪言之案乾道四明圖
經有唐崔殷撰董君碣不及此詳羅瑯所言未測其本矣

高 豐

高豐字文林，爲鄧縣獄。刺史虞孟行部，到旬日。鄧縣辭，敕鄧長將囚徒就所在錄見。林被文書，閉獄下籥，不冝送徒。自請見，曰：明使君乘法駕騂驂，銜命理冤，當縣縣而至。今乃遙召囚徒，欲省更煩。蓋普天之下，莫非王土；率土之濱，莫非王臣。鄧縣非漢地乎？囚徒終不出縣。特望朱軒，迴輪向鄧。孟遂到鄧。御覽六百四十三

任 光

光字景昇，鄧人，爲縣主簿。時海賊作孽，縣令朱嘉將吏人出戰於海渚，爲賊所射傷。賊突嘉前。光往，以身障蔽，力戰死。嘉獲免。寶慶志有此二字還邑，出俸厚葬之。乾道四明圖經五寶慶四明志八

黃 昌

黃昌，秦昌字聖，廣餘姚人。爲蜀郡太守，密捕得盜師一人，悉使疏諸縣強盜，密往捕錄。

其諸小盜皆原其死，謫作棧道，以代民役。由是道不拾遺。獄至連年無有重囚。御覽六百四十三

初昌爲州書佐。婦盜於家，遇賊。遂流轉入蜀爲民妻。其子犯法，乃詣昌。昌疑不類蜀人。

因問所由。對曰：妾本會稽餘姚戴次公女。州書佐黃昌妻也。嘗歸家爲賊所略，遂至於此。昌驚呼前，謂曰：何以識黃昌？曰：昌左足心有黑子。常言當爲二千石。乃出足示之。相持悲泣，還

爲夫妻。御覽三百七十二通典八十九虞珍議引風俗通云黃昌爲蜀郡太守得所失婦便爲正室使後婦下之

王修

修，句章人也。仕順帝時爲揚州從事。圖經引作漢安軍變，殺歷陽太守伊曜。紀云建康

元年揚州刺史尹耀九江太守鄧顯討賊范容等於歷陽軍敗耀顯爲賊所殺修誓衆奔入賊營。取曜屍葬之。人服其義。寶慶四明志八乾道

四明經五

楊喬

楊喬案喬字聖達烏傷人爲右丞。書鈔六十引謝承書云詣南宮，取急案，條閣舊事於

楊喬見范書楊璇傳注

複道中逢太常辛柔，原作羊柔，據通典改不避車。喬糾奏柔，以爲知丞，卽應行，威儀有敝，九列外官，而公干犯，請廷尉治柔罪。詔勿治。以三月俸贖罪。御覽六百五十一

楊喬上諫曰：臣聞之，曾子扣舷易水，魚聞入淵，鳥驚參天。書鈔一百三十七

戴就

薛安爲揚州從事。戴就字景成，會稽上虞人，案就有傳在范書獨行篇爲倉曹掾，受臧穢。刺史歐陽

操遣安檢治，拷覆取實。安乃收就，拷訊五毒。案范書本傳云：就仕郡倉曹掾，揚州刺史歐陽

簿領收就於錢塘縣獄，幽囚考掠。云云。御覽刪節過當，失其本末。乃以針刺就十手指甲，使令爬土，又燒鐵范書云：鑊斧令赤，使

挾之肘腋，肉焦爛墮地。就乃取而食之，終無款伏。安乃覆就於船兩頭，二字當衍燒馬糞於船兩

頭熏之。火滅，謂就已死。發船視之，乃張目謂其主者曰：公何不益糞添火，而使絕之，何也？主

者乃報安。安大驚。遂引就共坐談論，乃解其事耳。御覽六百四十九引後漢書末注云：會稽典籤又載

周規

周規字公圓，餘姚人。鈔三十七見書太守唐鳳命爲功曹。鳳中常侍衡之從兄。特中官，專行

貪暴。規諫：明府以負薪之才，受剖符之任，所謂力弱載重，不惟顛蹶。方今聖治在上，不容稅

政。明府以教人之職，行桀紂之暴。鳳怒，縛規，箠於閣內。鳳後果以檻車徵。御覽四百規爲臨

湘令。長沙太守丹陽徐祝，御覽二百六十六引華嶠後漢書作程徐今案當作抗徐范書桓

太守二月行縣。以草穢，敕除道路。規以妨農作，時損夫力，拒而不聽。徐以責督郵。規遂棄官而

去。書鈔三十七又三十二華嶠書又云徐憮然有姚色遺功曹齋印

陳脩

陳脩一作修字奉遷，一作道烏傷人。少爲郡幹，受韓詩，殺梁春秋。家貧，爲吏，常步儻上下。恆

食乾糲。每至正臘，僵臥不起。同僚以飲食請，不往。書鈔引作同僚其志操如此。御覽三百

三十三書鈔三十八兩引又一百四十六又一百五十五藝文十五

遷豫章太守。性清潔恭儉。十日一炊，不然官薪。御覽四百三十五計月受俸，受米不受錢。

書鈔三十五 應事席薦，編絕不改，布被覆形，簞瓢蔬食。書鈔三十八 以郡風俗不整，常卷坐席。唯

徐穉，李贇數詣問。乃待以殊禮。御覽七百九 應廷育金華先民傳云：逕合浦太守大著治聲，卒於官舍，合浦民懷其惠，議喪歸葬。

沈勳

沈勳，身自耕耘，以供衣食。人有盜穫其禾，勳見而避之。明日夜，更收拾送致其家。盜者

慚懼，齋還不受。御覽四百九十一

淳于翼

淳于翼，字叔通，除洛陽市長。桓帝即位，有大蛇見德陽殿上。翼占曰：以蛇有鱗，甲兵之

應也。開元占經一百二十 續漢書五行志注引干寶《搜神記》云：桓帝即位，有大蛇見陽德

也。乃棄官遁去。到延熹二年，誅大將軍梁冀，捕治宗屬，揚兵京師也。

魏朗

魏朗字少英，上虞人。

裴朗范書在黨錮傳

少爲縣吏。兄爲鄉人所殺。朗白日操刀報讎於縣中。遂

亡命到陳國，從博士邵仲信學春秋圖緯。又詣太學，受五經。京師長者李膺之徒，爭從之。

御覽

四百八十三

朗從太守行春，寢于閣外。感時志激，中夜長歎。府君朝問：「昨歎息者誰？」主簿曰：「書佐魏

朗也。府君由是知朗有凌雲之志。轉功曹佐。正旦，與掾吏上朝。時功曹史顧翕，一作翕書被

裘以加朝服。朗以裘非臣服，非翕不敬。敕卒撤去。翕恚而不聽。以手毆卒。朗右手鳴鼓，左手

撤裘以聞。府君曰：「朗當朝正色，有不撓之節。遂退翕，以朗代之。」朗辭病不就。御覽二百六十四又六百九十

四書鈔三十

靈帝卽位，竇武、陳蕃等欲誅宦官。謀泄，反爲所害。朗以黨被徵，乃慷慨曰：「丈夫與陳仲

舉、李元禮俱死，得非乘龍上天乎？」於丹陽、牛渚自殺。海內列名八俊。御覽四百三十八

陳業

陳業少特操。沛國桓儼，當世英俊，避地會稽。聞業高節，欲與相見。終不獲，後儼浮海，南入交州。臨去，遺書與業。不因行李，以係山陰白樓亭柱。二字據水經漸曰：從容養高，動靜履直，季世多艱，爰適樂土。側聞高風，飢渴語言。知乃深隱，邈然終時。求仁斯得，勤而無憾。齊蹤古賢，何其優哉！
文三十一

駱俊

駱俊字孝遠，烏傷人。吳志駱統傳注引謝承書云：俊有文才，幹少爲郡吏，察孝廉，補尚書郎。孝靈皇帝擢拜陳相。汝南葛陂盜賊竝起，陳與接境，四面受敵。俊厲吏民爲之保障。出倉見穀，以贍貧民。鄰郡士庶咸往歸之。身損俸祿，給其衣食。民產有子，常敕主者厚致米肉。生男女者，輒以駱爲名。御覽二百四十四十七書鈔五又三十九
謝承書又云：俊袁術軍衆飢困，就俊求糧，俊疾惡術，初不應答，術怒，密使人殺俊。

陳宮

上見天下郡郎制曰：文左武右。陳宮乃正中立。上問：此何郡郎，不從行詔對曰：有文有武，未知所如。又問：何施答曰：文爲顏氏春秋，武爲孫吳兵法。上擢拜大夫。書鈔五十六

虞國

虞國字季鴻，御覽引有此句國作固少有孝行。爲日南太守，行惠政。事類賦注十句常有雙雁宿止廳事上。每出行，輒飛逐車。旣卒於官，雁逐喪還。至餘姚，住墓前，歷三御覽引年乃去。載文九

覽九百十七案書鈔七十五引謝承書有虞因又有虞國乾道四明圖經寶慶四明志有陳國俱云遷日南太守並是一人因轉寫而誤太平寰宇記一百七十一云會稽虞韶爲日南太守卽翻之父也身死歸鄉有雙雁隨棺至會稽棲於墓三年乃去東故又以爲虞歆案水經江水篇注云官倉卽日南太守虞國舊宅號曰西虞以其兄光居縣東故也。是地卽其雙雁送葬故處諸書並云虞國寰宇記當誤

虞歆

虞歆傳注引別傳云秦有虞香十四代孫意自東郡徙餘姚五代孫歆歆生翻吳志翻父故平輿令成續述其業至臣祖父鳳爲之最字文肅侯康三國志補注續云文肅當作文密臣亡考故日南太守歆受本於鳳最有舊書續陳琳檄吳文虞文續云文肅當作文案曾子問祝聲三鄭氏注云噫歆驚神也則作肅近之歷郡守節操高厲魏曹植爲東阿王東阿先有三十碑銘多非實植皆毀除之以歆碑不虛獨全焉書鈔一百二

盛憲子匡

盛憲字孝章五字亦見文選陳孔璋檄吳將校部曲文李善注引初爲臺郎常出游逢一童子容貌非常憲怪而問之是魯國孔融融時年十餘歲憲下車執融手載以歸舍與融談知其不凡便結爲兄弟因升堂見親憲自爲壽以賀母母曰何賀憲曰母昔有憲憲今有弟家國所賴是以賀耳融果以英才煒豔冠世御覽五百四十二又四百九十四書鈔八十五

憲器量雅偉舉孝廉補尚書郎稍遷吳郡太守以疾去官孫策平定吳會誅其英豪憲

素有高名，策深忌之。初，憲與少府孔融善。融憂其不免禍，乃與曹公書曰：歲月不居，時節如流。五十之年，忽焉已至。公爲始滿，融又過二。海內知識，零落殆盡。惟有字會稽盛孝章尚存。其人困於孫氏，妻孥湮沒，單子獨立，孤危愁苦。若使憂能傷人，此子不得復此字選無。永年矣！春秋傳曰：諸侯有相滅亡者，桓公不能救，則桓公恥之。今孝章實丈夫之雄也。天下譚士，依以揚聲。而身不免於幽執，選作命不期於旦夕，此字選無吾祖不當復論損益之友，而朱穆所以絕交也。公誠能持選作一介之使，加咫尺之書，則孝章可致，友道可弘也。選作今之少年，喜諂前輩，或能譏平孝章。孝章要爲有天下大名，九牧之民，所共稱歎。燕君市駿馬之骨，非欲以騁道里，乃當以招絕足也。惟公匡復漢室，宗社將絕，又能正之。正之之術，實須得賢。珠玉無脛而自至者，以人好之也。況賢者之有足乎？昭王築臺以尊郭隗，隗雖小才，而逢大遇，竟能發明主之至心。故樂毅自魏往，劇辛自趙往，鄒衍自齊往，嚮使郭隗倒縣而王不解，臨溺選作而王不拯，則士亦將高翔遠引，莫有北首燕路者矣。凡所稱引，自公所知。而復選補有云者，欲公崇篤斯義也。此字選無因表不悉。由是徵爲騎此字選無都尉。制命未至，果爲權所害。子匡奔魏，位至征東司馬。

吳志孫歆傳注文選孔
文舉論盛孝章書並注

徐弘

徐弘字聖通，爲汝陰令。縣俗剛強，大姓兼并。弘到官，誅翦文引姦桀，豪右斂手。商旅

路宿，道不拾遺。

章莖文作民

歌之曰：徐聖通，政無雙。

莖文云爲汝陰

平刑罰，姦宄空。

御覽二百六十八莖文十九

弘爲右扶風都尉，家無餘產。妻子紡績，衣弊履空。鄉人嘉其高操。

書鈔三八

陳瑞

陳瑞字文象，世御覽引爲縣卒。瑞謙恭敬讓，行惟敬謹。及其居二千石九卿位，少年童

豎拜者，皆正朝服，與之抗禮。若疾病不能答拜，輒拊頰以謝之。

初學記二十七御覽四百二十三

魏徽

魏徽字孔章，三字書鈔引無仕郡爲功曹吏。府君貴其名，已上亦見書重徽。每拜謁，常跪而待

之。御覽六百二十四

皮延

皮延字叔然，會稽山陰人。養母至孝。居喪，有白鳩巢廬側。遂以喪終。九藏文九十七作終御覽

伍賤

餘姚伍賤，字士微，父爲倉監，失其官穀簿，領罪至於死。賤爲執算，檢按相當。由是見異，

號爲神童。御覽三百八十二

張京

張京從戎西州。軍罷還歸，各給牛車。京同里寡母，與三子從軍。子各物故。見京還，不能自致，悲傷歔歔。京所載之。誤。所字牛羸道死。京入轅引輓，妻子單步。御覽四百二十一

會稽典錄卷下

周昕

昕字大明。

文選陳孔璋檄吳將校部曲文。少游京師，師事太傅陳蕃，博覽羣書，明於風

角，善推災異。辟太尉府，舉高第，稍遷丹陽太守。曹公起義兵，昕前後遣兵萬餘人助公征伐。

袁術之在淮南也，昕惡其淫虐，絕不與通。

吳志孫靜傳注：靜傳云：孫策定諸縣，進攻會稽，屯

朗遣故丹陽太守周昕等帥兵前戰，策破昕等，斬之。

周囑

初，曹公興義兵，遣人要囑。

吳志孫堅傳注云：囑字仁明，周昕之弟也。

囑即收合兵衆，得二千人，從公征伐，以

爲軍師。復與堅爭豫州，屢戰失利。會次九江，太守昂爲袁術所攻，囑往助之，軍敗，還鄉里。

爲許貢所害。吳志孫堅傳注案魏志公孫靜傳云術遣孫堅屯陽城拒卓紹使周昂奪其處范書贊傳又作周昕吳志孫靜傳注引獻帝春秋云袁術遣吳景攻昕未拔景乃募百姓敢從周昕者死不赦昕曰我則不德百姓何罪遂散兵還本郡今據典錄所記並爲周囑蓋囑兄弟三人皆與孫氏爲敵故諸書記錄往往不能辨析也

丁覽子固

覽字孝連，案覽山陰人見吳志虞翻傳八歲而孤，家又單微，清身立行，用意不苟。推財從弟，以義讓

稱。仕郡至功曹，守始平長。爲人精微潔淨，門無雜賓。孫權深貴待之，未及擢用，會病卒，甚見痛惜。殊其門戶。覽子固，字子賤，本名密，避滕密，改作固。固在襁褓中，闕澤見而異之，曰：「此兒後必至公輔。」固少喪父，獨與母居。家貧守約，色養致敬，族弟孤弱，與同寒溫。翻與固同僚，書曰：『丁子賤寒淵好德，堂構克舉。野無遺薪，斯之爲懿。其美優矣。令德之後，惟此君嘉耳。』歷顯位。孫休時固爲左御史大夫。孫皓卽位，遷司徒。皓悖虐，固與陸凱、孟宗同心憂國，年七十六卒。吳志虞翻傳注吳志晉至梁州刺史孫譚光祿大夫

徐陵子平

徐陵字元大，

案陵太末人見吳志虞翻傳

歷三縣長，所在著稱。遷零陵太守。時朝廷俟以列卿之位，

故翻書曰：

『元大受上卿之位，叔向在晉，未若於今。』其見重如此。陵卒，僮客土田或見侵奪。略統爲陵家訟之，求與丁覽卜清當作靖吳志顧邵傳注引吳錄云等爲比。權許焉。陵子

平字伯先，童齠知名，翻甚愛之，屢稱歎焉。諸葛恪爲丹陽太守，討山越，以平威重思慮，可與

效力，請平爲丞。稍遷武昌左都督。傾心接物，士卒皆爲盡力。初，平爲恪從事，意甚薄。及恪輔

政，待平益疏。恪被害，子建亡走，爲平部曲所得。平使遣去，別爲他軍所獲。平兩婦歸宗敬奉，

情過乎厚。其行義敦篤，皆此類也。吳志虞翻傳注

虞翻

虞翻

翻吳志本傳云字

仲翔餘姚人說 烏程本傳注引吳書云策斃權統事定武中郎將 焉從兄也屯

告諭人曰：『討逆明府，不竟天年。今攝事統衆，宜在孝廉。』翻已與一郡吏士，嬰城固守。必欲

出一旦之命，爲孝廉除害，惟執事圖之。於是焉退。吳志本傳注

虞 汜

汜字世洪，吳志虞翻傳云翻有十子南海年十六父卒還鄉里。孫綝廢幼主，迎立琅邪

王休。休未至，綝欲入宮，圖爲不軌。召百官會議，皆惶怖失色，徒唯唯而已。汜對曰：『明公爲

國伊周，處將相之位，擅廢立之威。將上安宗廟，下惠百姓，大小踴躍，自以伊霍復見。今迎王

未至，而欲入宮。如是羣下搖蕩，衆聽疑惑，非所以永終忠孝，揚名後世也。』綝不懌，竟立休。

休初即位，汜與賀邵、王蕃、薛瑩俱爲散騎常侍。以討扶嚴功，拜交州刺史冠軍將軍餘姚侯。

尋卒。吳志虞翻傳注

虞 忠

忠字世芳，翻第五子。貞固幹事，好識人物。造吳郡陸機於童齒之年，稱上虞魏遷於無

名之初。終皆遠致，爲著聞之士。交同縣王岐於孤宦之族，仕進先至。宜都太守，忠乃代之。晉

征吳，忠與夷道監陸晏，晏弟中夏督京，堅守不下。城潰被害。吳志虞翻傳注注又云忠子

檢操外如退弱內堅正有贈幹仕晉歷位內外終
於衛將軍追贈侍中左光祿大夫開府儀同三司

虞 聳

聳字世龍，翻第六子也。清虛無欲，進退以禮。在吳歷清官。入晉，除河閒相。王素聞聳名，厚敬禮之。聳抽引人物，務在幽隱孤陋之中。時王岐難聳以高士所達，必合秀異。聳書與族子察曰：『世之取士，曾不招未齒於丘園，索良才於總猥。所譽依已成，所毀依已敗。此吾所以歎息也。』聳疾俗，喪祭無度，弟曷卒，祭以少牢，酒飯而已。當時族黨並遵行之。吳志虞傳注

虞 曷

曷字世文，翻第八子也。少有倜儻之志。仕吳黃門郎，以捷對見異。超拜尚書侍中。晉軍來伐，遣曷持節都督武昌。已上諸軍事。曷先上還節蓋印綬，然後歸順。在濟陰抑強扶弱，甚著威風。吳志虞傳注

賀 齊字建景

吳志本傳云齊字公苗山陰人討建安賊洪明於蓋竹。戴凱之竹譜注

景爲滅賊校尉，御衆嚴而有恩。兵器精飭，爲當時冠絕。早卒。達頗任氣，多所犯忤，故雖有征戰之勞，而爵位不至。然輕財貴義，膽烈過人。子質，位至虎牙將軍。景子邵，別有傳。吳志

賀齊傳注

闕 澤

闕澤，字德潤，山陰人也。案吳志初，呂壹作壹，姦罪發聞，有司窮治，奏以大辟。或以爲宜加焚裂，原作烈，據本傳改。用彰其惡。吳王以問澤，澤曰：『盛明之世，不宜有此刑。』遂從之。御覽六百三十

吳 範

吳範志本傳云字文則上虞人

與鄱陽太守魏騰少相友善。騰嘗有罪，吳主怒甚，敢有諫者死。範

謂騰曰：『與汝偕死。』騰曰：『死無益，何死爲！』範曰：『安能慮此，坐觀汝邪？』乃髡頭自縛詣閣下，使鈴下以聞。鈴下不冑曰：『必死，不可。』範曰：『汝有子邪？』〔原奪此字〕曰：『有。』『使汝爲吳範死，汝子屬我。』鈴下曰：『諾。』乃排閣入。言未卒，吳主大怒，欲投以戟，遂巡走出。範因突入，叩頭流血，言與涕并。良久，吳王意釋，乃免騰。〔御覽六十四卷〕

魏 滕

滕〔明楷曰：騰與滕音同。勝則騰之譌耳。〕字周林，〔吳文選〕陳孔璋檄祖父河內太守朗，字少英，列在八俊。滕性剛直，行不苟合。雖遭困逼，終不迴撓。〔吳志〕吳初爲孫策功曹，以注意見譴，將殺之。士大夫憂恐，計無所出。吳太夫人乃倚大井而謂策曰：『汝新造江南，其事未集，方當優賢禮士，捨過錄功。』魏公曹在公盡規，〔錢大昭〕三國志辨疑三云：公曹汝今日殺之，則明日人皆叛汝，吾不忍見禍之及，當先投此井中耳。』策大驚，遽釋滕。〔吳志〕吳夫人傳注：御覽八歷歷山潘陽山陰三縣令，〔梁章鉅〕三國志旁證三十三云：歷山當作歷陽，潘陽縣也。鄱陽太守。吳志注

謝承子崇

承字偉平，案承山陰人見博學洽聞嘗所知見終身不忘子崇揚威將軍弟勗吳郡太

守竝知名。吳志謝夫人傳注

承遷吳郡督郵，歲穰，嘉禾六穗，生於部屬。初學記二十七

任奕

任奕，字安和，勾章人也。爲人兒寢，無威儀。御覽三百八十二卷見意林餘無可攷徐象梅

兩浙名賢錄云任次龍名奕郡將蔣秀請爲功曹謝去後歷官御史中丞是誤合任旭任奕爲一也旭臨海人見晉書隱逸傳

虞俊

餘姚虞俊，案俊字仲明見邵員傳歎曰：『張惠恕才多智少，華而不實，怨之所聚，有覆家之禍。吾

見其兆矣。』諸葛亮聞俊憂溫，意未之信。及溫放黜，亮乃歎俊之有先見。亮初聞溫敗，未知

其故。思之數日，曰：『吾已得之矣，其人於清濁太明，善惡太分。』吳志張溫傳注張

邵員

邵員，字德方，餘姚人。與同縣虞俊鄰居。員先不知俊，十餘年，俊至吳，與張溫朱據等會，清談干雲，溫等敬服。於是吳中盛爲俊談。員聞而愧曰：『吾與仲明游居比屋，曾不能甄其英秀，播其風烈，而令他邦稱我之傑。』御覽四百九十一

謝淵兄咨

謝淵，字休德，山陰人。其先鉅鹿太守夷吾之後也。世漸微替，仕進不濟。至淵兄弟一時俱興。兄咨，字休度，少以質行自立，幹局見稱，官至海昌都尉。淵起於衰末，御覽五十六少修德操，躬秉耒耜，既無感容，又不易慮。由是知名。舉孝廉，稍遷至建武將軍。雖在戎旅，猶垂意人物。書鈔六十四引已上三句駱統子名秀，被門庭之誨，衆論狐疑，莫能證明。淵聞之，歎息曰：『公緒早夭，同盟所哀。聞其子志行明辯，而被闇昧之誨，望諸夫子烈然高斷，而各懷遲疑，非所望也。』秀

卒見明，無復瑕玷，終爲顯士。淵之力也。吳志陸遜傳注

鍾離牧子威 備

牧吳志本傳云牧字子幹山陰人漢魯相意七世孫也父緒，樓船都尉。兄駟，上計吏。少與同郡謝贊、吳郡顧譚齊名。牧童齒時，號爲遲訥。駟常謂人曰：『牧必勝我，不可輕也。』時人皆以爲不然。吳志本傳五

六十

高涼賊率仍弩等破略百姓，殘害吏民。牧越界討撲。本傳云赤烏五年從郎中補輔義都尉遷南海太守旬日降

服。又揭陽縣賊率會夏等，衆數千人。歷十餘年，以侯爵。雜繒千匹，下書購募，絕不可得。牧遣使慰譬，登皆首服，自改爲良民。始興太守羊衡與太常滕胤書曰：鍾離子幹，吾昔知之不熟，定見其在南海威恩部伍，智勇分明。加操行清純，有古人之風。』其見貴如此。在郡四年，以

疾去職。吳志本傳注

牧之在濡須，本傳云還爲丞相長史轉司直遷中書令出爲監軍使者討平建安鄱陽新都三郡山民封秦亭侯拜越騎校尉永安六年爲平魏將軍領武陵太

守平五谿還公安督陽武深以進取可圖，而不敢陳其策。與侍中東觀令朱育宴，慨然歎息。將軍封都鄉侯徙濡須督

育謂牧曰：「恨於策爵未副，因爲牧曰：『朝廷諸君，以際會坐取高官，亭侯功無與比，不冝在人下，見顧者猶以於邑，況於侯也？』牧笑而答曰：『卿之所言，未獲我心也。』馬援有言：『人當功多而賞薄，』吾功不足錄，而見寵已過當，豈以爲恨？國家不深相知，而見害朝人，是以默默不敢有所陳。若其不然，當建進取之計，以報所受之恩，不徒自守而已。憤難以此也。』育復曰：『國家已自知侯，以侯之才，無爲不成。愚謂自可陳所懷。』牧曰：『武安君謂秦王云：『非成業難，得賢難；非得賢難，用之難；非用之難，任之難。』武安君欲爲秦王并兼六國，恐授事不見任，故先陳此言。秦王既許而不能，卒隕將成之業，賜劔杜郵。今國家知吾，不如秦王之知武安；而害吾者，有過范雎。大皇帝時陸丞相討鄱陽，以二千人授吾。潘太常討武陵，吾又有三千人。而朝廷下議，棄吾於彼。使江渚諸督，不復發兵相繼。蒙國威靈自濟，今日何爲常？當有向使吾不料時度宜，苟有所陳，至見委以事，不足兵勢，終有敗績之患，何無不成立之有？』吳志本傳注

朱育謂鍾離牧曰：『大皇帝以神武之姿，欲得五千騎，乃有可圖。今騎無從出，而有進取之志，將何計？』牧曰：『大皇帝以中國多騎，欲得騎以當之。然吳神鋒弩射三御覽引一里，有四字里，

貫洞至四馬。

御覽引作貫洞三馬一作洞穿三馬

騎敢近之乎？

『御覽三百又三百四十八載文六十』

牧次子盛，亦履恭讓，爲尙書郎。弟徇領兵爲將，拜偏將軍，戍西陵。與監軍使者唐盛論

地形勢，謂宜城信陵，與建平接。

汲古閣本三國志作爲建平接。嘉泰會稽志徇傳同。

建平智略名將，屢經於彼。

錢大昕諸史拾遺平云：陳景雲曰：建字衍，因上有建平字而複出也。留平見孫休傳平於永安六年以平西將軍率衆圍巴東數月。

乃還其經信。無云當城之者，不然。徇計復半年，晉果遣將修信陵城。晉軍平吳，徇領水軍督

臨陣戰死也。

吳志牧傳注

卓恕

卓恕，字公行，上虞人。恕爲人篤信，言不宿諾。與人期約，雖遭暴風疾雨雷電冰雪，無不

必至。嘗從建業還家，辭太傅諸葛恪。恪問：『何當復來？』恕答曰：『某日當復親覲。』至是

日，恪欲爲主人，停不飲食，以須恕至。時賓客會者皆以爲會稽建業相去千餘里，道阻江湖，

風波難必，豈得如期。須臾，恕至。一座盡驚。

御覽四百三十九又四百九

朱育

孫亮時，有山陰朱育。

潘喬三國志攷證八云：育字嗣卿，見唐書藝文志。

少好奇字，凡所特達，依體像類，造作異

字千名以上。

隋書經籍志云：梁有異字二卷，朱育撰。亡。侯康補三國藝文志云：汗簡。仕郡門。屢引朱育集字，或云：集奇字，或云：集古字，或云：字略。蓋皆出此書也。

下書佐。太守濮陽興正旦宴，見掾吏言次，問：「太守昔聞朱潁川問士於鄭召公、韓吳郡，問

士於劉聖博，王景興問士於虞仲翔，嘗見鄭劉二荅，而未覩仲翔對也。欽聞國賢，思覩盛美

有日矣。」書佐寧識之乎？」育對曰：「往過習之，昔初平末年，王府君以淵妙之才，超遷臨郡，

思賢嘉善，樂采名俊，問功曹虞翻曰：「聞玉出崑山，珠生南海，遠方異域，各生珍寶。且曾聞

士人歎美。」綴英集引作美。貴邦舊多英俊，徒以遠於京畿，含香未越耳。功曹雅好博古，寧識其人

邪？」翻對曰：「夫會稽上應牽牛之宿，下當少陽之位。東漸巨海，西通五湖，南暘無垠，北渚

浙江。南山攸居，實爲州鎮。昔禹會羣臣，因以命之。山有金木鳥獸之殷，水有魚鹽珠蚌之饒。

海嶽精液，善生俊異。是以忠臣繼集作係踵孝子連閭，下及賢女，靡不育焉。」王府君笑曰：

「地勢然矣。士女之名，可悉聞乎？」翻對曰：「不敢及遠，略言其近者耳。往者孝子句章董

黯，盡心色養，喪致其哀。單身林野，鳥獸歸懷。怨親之辱，白日報讎。海內聞名，昭然光著。太中

大夫山陰陳嘉，漁則化盜，藝文九十六引謝承書云：嘉少時於郭外水邊捕魚，人有盜居則

讓鄰。感侵退藩，遂成義里。攝養車嫗，行足厲俗。自楊子雲等上書薦之，粲然傳世。太尉山陰

鄭公，案謂弘清亮質直，不畏彊禦。魯相山陰鍾離意，稟殊特之姿，孝家忠朝。宰縣相國，所在遺

惠。故取養有君子之著，魯國有丹書之信。千寶參神記云：永平中，意爲魯相，到官出私錢萬

履男子張伯除堂下艸土中得玉璧七枚，伯懷其一以六枚白意，意令主簿安置几前。孔子

教授堂下牀首有縣璽，意召孔訴問此何璽也。對曰：夫子璽也。背有丹書：人莫敢發也。意曰：

夫子聖人，所以遺璽欲以縣示後賢，因發之中得素書，文曰：後世修吾書，董伯舒護吾車。拭

吾履，發吾笥，會稽鍾離意璧有七張，伯藏其一意，即召問璽，有七何藏。一邪伯叩頭出之。

及陳宮費齊，皆上契天心，功德治狀，記在漢籍。有道山陰趙曄，徵士上虞王充，各洪才淵懿，

學究道源。著書垂藻，駱驛百篇。釋經傳之宿疑，解當世之槃結。或上窮陰陽之奧祕，下據人

情之歸極。交趾刺史上虞蔡母俊，拔濟一郡，讓爵土之封。林寶元和姓纂云：後漢蔡母俊爲

賢志二引黃恭交廣記云：蔡母俊會稽上虞人也。少治左氏春秋，永初中舉孝廉，拜左校令

出爲交趾刺史。元初三年，合浦蠻夷反叛，遣侍御史任連督州郡兵討之。後徐肇著稽乃往，令

戎行所向，摧靡功當封賞。上書歸功，決曹掾上虞孟英三世死義。論衡齊世篇云：會稽孟章

命使自謂致寇，當誅安帝下詔美之。決曹掾上虞孟英三世死義。父英爲郡決曹掾，郡將孟章

殺非辜，事至覆考英引罪，自卒代將死。章後復爲郡功曹，從役攻賊，兵卒北敗，爲賊所射，

以身代將死。卒不去，又御覽三百五十七引謝承書云：孟政字子節，地皇六年爲府丞，虞鄉

書佐時太守缺丞視事毗陵有賊丞討之未到縣道路逢賊吏卒逃散政操刀楯與賊相擊丞得免難政死於路案地是爲王莽年號當在孟英之先其後又有孟嘗爲漢循吏故范書本傳云其先三世爲主簿句章梁宏功曹史餘姚勳主簿句章鄭雲皆敦終始之義引罪郡吏並伏節死難也

免居范書陸績傳云楚王英謀反陰疏天下善士事覺有太守尹興名乃與主簿梁宏功曹史駟勳及掾史五百餘人詣洛陽詔獄就考諸吏死者大半唯績宏勳掠考五毒肌肉消爛終無撓辭鄭雲已見上卷然門下督盜賊餘姚伍隆鄧原注莫侯反主簿任光章安小吏黃他文選阮嗣宗勸進表注引謝承書云黃他求沒將投骸虜廷疑非一人身當白刃濟君於難揚州從事句章王修委身授命垂聲來世河內太守上虞魏少英遭世屯蹇忘家憂國列在八俊爲世英彥尚書烏傷楊喬桓帝妻以公主辭疾不納范書楊璇傳云兄喬爲尚書容儀偉麗數上書言政事桓帝愛其才貌詔妻以公主喬固辭不聽遂閉口不食七日而死近故太尉上虞朱公案朱儁字公偉范書有傳天姿聰亮欽明神武策無失謬征無遺慮是以天下義兵思以爲首上虞女子曹娥父溺江流投水而死立石碑紀炳然著顯王符君曰「是既然矣。潁川有巢許之逸軌吳有太伯之三讓。貴郡雖士人紛紜於此足矣。」翻對曰「故先言其近者耳。若乃引上世之事及抗節之士亦有其人。昔越王翳讓位逃於巫山之穴越人熏而出之。斯非太伯之儔邪。且太伯外來之君非其地人也。若以外來言之則大禹亦巡於此而葬之矣。鄣大里黃公錢大昕三國志攷異三云陳留志夏黃公姓崔名廣字少通齊人隱居夏里修道故號曰夏黃公仲翔以爲會稽鄣人仲翔去西京未遠當得其實

案晉書夏統傳載統對賈充問會稽土地人物亦云其入循循猶有黃絜已曩秦之世高祖公之高節與成君說同陳留志所記姓名里居並出方士妄作不足據絜已曩秦之世高祖卽阼不能一致。惠帝恭讓出則濟難。徵士餘姚嚴遵錢儀吉三國志證開下云遵字君平豈遵也然漢人往往有二名者無以決青之必誤王莽數聘抗節不行。光武中興然後俯就。矯手會稽續志不拜。志陵雲日。皆著於傳籍較然彰明。鄧大里黃公至此已上豈如巢許流俗遺譚不見經傳者哉？王府君笑曰：「善哉，語言也！賢矣，非君不著。太守未之前聞也。」

濮陽府君曰：「御史所云，既聞其人。亞斯以下，書佐寧識之乎？」育曰：「瞻仰景行，敢不識之。近者太守上虞陳業，絜身清行，志懷霜雪。貞亮之信，同操柳下。遭漢中微，委官棄祿，遁迹黔歛，以求其志。高邈妙踪，天下所聞。故桓文遺之尺牘之書，比竟三高。案桓文下當有林字沛國桓儼避地會稽開業履行高潔往候不見後儼浮海南入交州臨去遺書與業不因行李繫白樓亭柱而去范書桓榮傳云桓曄字文林一名儼亦見上卷業傳比竟三高未詳官本三國志攷證云疑指上所引越王驛黃公嚴遵而言然與業行迹不類恐非其聰明大略，忠直審諤，則侍御史餘姚虞翻，偏將軍烏傷駱統。案統字公緒吳志有傳其淵懿純德，則太子少傅山陰闕澤，學通行茂，作帝師儒。其雄姿武毅，立功當世，則後將軍賀齊，勳成績著。其探極祕術，言合神明，則太史令上虞吳範。其文章之士，立言繁盛，則御史中丞句章任奕。汲古閣本三國志作奕鄱陽太守章安虞翔，各馳文檄，曄若春

榮處士鄧盧敍，弟犯公憲自殺乞代。嘉定赤城志三十二云鄧盧敍居章安錢大昕三國志經亦以爲鄧人惟虛作爲異二字形相涉正史吳寧斯敦山陰祁康上虞樊正咸代父死固多舛誤圖經亦傳寫之本未能決其是非也

松陽縣也。松陽今處州柳朱永寧瞿素後傳云三國志攷證云瞿未及配適遭賊欲犯之臨之以白刃素

日我可得而殺不可得而辱婢名青乞代素賊遂殺素復欲犯青青曰向欲代素者或一恐被恥獲害耳今素已死我何有生爲賊復殺之初學記御覽引亦並作瞿瞿字當誤

離守節，喪身不顧，或遭寇劫賊，死不虧行。皆近世之事，尚在耳目。」府君曰：『皆海內之英也。吾聞秦始皇二十五年，以吳越地爲會稽郡，治吳。漢封諸侯王，以何年復爲郡而分治於此？』育對曰：『劉賈爲荊王，賈爲英布所殺。又以劉濞爲吳王。景帝四年，濞反誅，乃復爲郡，治於吳。元鼎五年，除東越，因其地爲治，并屬於此，而立東部都尉。後徙章安。陽朔元年，又徙治鄞。或有寇害，復徙句章。侯康後漢書補注續云宋書州郡志會稽東部都尉前漢治鄞章安其說未可信陽朔成帝年號章安則光武所置縣何得陽朔時已徙於此且章安即治更名都尉既治治矣奚容更徙當以沈志爲正至謂初治治又徙句章或亦可與沈志參觀

也。到永建四年，劉府君上書，浙江之北，以爲吳郡。會稽還治山陰。案水經注云永建中陽羨建四年陽羨令周喜山陰令殷重上書求分爲二郡並與育說異

難求得分置遂以浙江西爲吳，以東爲會稽。又元和郡並與育說異。自永建四年，歲在己巳，以

至今年，積百二十九歲。『府君稱善。是歲，吳之太平三年，歲在丁丑，育後仕朝常在臺閣，爲東觀令，遙拜清河太守，加位侍中。推刺，占射，文藝多通。』吳志虞翻傳注孔延之會稽三賦周世則注集二十又散見會稽

賀邵

賀邵，字興伯，山陰人也。案吳志有傳注引吳書爲人美容止，御覽一正其衣冠，尊其瞻

視，動靜有常。與人交，久而作益敬之。至在官府，左右莫見其洗沐。二字御覽坐常著屨，希

見其足。御覽四百九又三百八十九又六百九十七書鈔一百三十六藝文七十

夏方

夏方，字文正。晉書孝友篇本家遭疫癘，父母伯叔一時死，凡十三喪。方年十四，晝則負

土哀號，算則扶棺哭泣。比葬，年十七。本傳云十有七烏鳥集聚，猛獸乳其側。御覽九百十四

時拜仁義都尉累遷五官中郎將吳平除高山令百姓有罪應加捶撻者方
向之涕泣而不加罪大小莫敢犯焉在官三年州舉秀才還家卒年八十七

夏香

夏香，字曼卿，永興人也。爲農夫。香挺然特立，明果獨斷。年十五，縣長葛君出臨虛星，會客飲宴，時郡遭大旱，香進諫曰：『昔殷湯遭旱，以六事自責，而雨澤應澍。成王悔過，偃禾復起。先聖畏懼天異，必思變復，以濟民命。今始罹天災，縣界獨甚。未聞明達崇殷周之德，臨祭獨歡。百姓枯瘁，神祇有靈，必不享也。百姓不足，君孰與足？宜當還寺。』長卽罷會，身捐俸祿，以贍饑民。藏文一百

香門側有大井，旁設水甕。一作上瓦盆里中兒童各競飲水。一作牛爭水共鬪。香預爲汲水，多置器甕，一作盆器由是無爭。專以德化。香至四節，先慶酌二親，退齋酒肴勞問里中父老，以此爲

常。御覽四百三又四百九十六

有盜刈其稻者，香助爲收之，盜者慚，送以還香。香不受。藏文八百三十五御覽八百三十九

香歷任邑長，皆有聲績。會稽三賦周世則注

張立

張立之爲人剛毅，志意慷慨。太祖嘗抑之曰：『爾不念詩書，慕聖道，而好乘汗馬擊劒，此一夫之用，何足貴也？』御覽二百七十六謂左右曰：『丈夫一爲衛霍，將十萬，馳沙漠，驅戎狄，立功建號耳，何能作博士邪？』

朱朗

朱朗，字恭明，會稽三賦周人父爲道士，淫祀不法，游在諸縣，爲烏傷長陳顗所殺。朗陰圖報怨，而未有便。會顗以病亡，朗乃刺殺顗子。事發，奔魏。魏聞其孝勇，擢以爲將。御覽四百八十三案春秋之義，當罪而誅，不言於報。匹夫之怨，止於其身。今朗父不法，誅當其辜，而朗之復讎，乃及胤嗣。漢季大亂，教法廢壞，離經獲譽，有慚德已，豈其猶有美行，足稱紀傳，文零散本，未不具無以攷數虞君之指所未詳也。

唐庠

唐庠，字漢序。三國鼎峙，年興兵革。士以弓馬爲務，家以蹴鞠爲學。於是名儒洪筆，絕而不續。御覽七百五十四

張諛

張諛，字彥承，上虞人也。與同鄉丁孝正相親。葬送過制，諛書難之曰：『吾聞班固善陽孫之省葬，惡始皇之飾終。夫僕以矯世，君子弗爲。若乃據周公之定品，依延州而成事；取中庸以建基，獲美稱於當世，不亦優哉！』御覽五百五十六

虞倫

虞倫，字孝緒，餘姚人也。與駱瑗爲彈冠之友。御覽四百九

曹娥

孝女曹娥者，上虞人。父盱，能撫節按歌，婆娑樂神。漢安二年五月五日，於縣江薨。七字据文引

補迎伍君神，泝濤而上，爲水所淹，不得其尸。娥年十四，號慕思肝，乃投瓜於江，存其父尸曰：

『父在此，瓜當沈。』旬有七日，瓜偶沈。娥年十四，至此已上，藝文御覽引遂自投於江而死。

三日後，與父尸俱出。賦注四引作數日抱父尸出。范書本傳不載。縣長度尙悲憐其義，爲之

改葬。命其弟子邯鄲子禮爲之作碑。世說新語捷悟篇注藝文四

上虞長度尙弟子邯鄲淳，字子禮，時甫弱冠，而有異才。尙先使魏朗作曹娥碑，文成，未

出。會朗見尙，尙與之飲宴，而子禮方至督酒。尙問朗『碑文成未？』朗辭不才。因試使子禮

爲之，操筆而成，無所點定。朗嗟歎不暇，遂毀其艸。其後蔡邕又題八字曰：『黃絹幼婦，外孫

齋曰。後漢書本傳注

孟淑

孟淑，上虞人也。父質，中郎將。淑年十七，當出適，聘禮既至，爲盜所劫。淑祖父操刃對戰，

不敵，見害。淑思慕哀慟，憔悴毀形，以致盜由己，乃喟尔歎曰：『微淑之身，禍誠不生。以身害

祖，苟活何顏？』於是遂自經而死。御覽四十一

彭山

彭祖所隱居之城。會稽三賦周世則注

驃騎山

張意，漢世祖時爲驃騎將軍。子齊方，四明志歷中書郎。李慈銘有越樓堂日記云中書郎且少二字名齊芳之曾隱於此山，因名。輿地紀勝十一寶慶四明志七名不似當時人也。

女几山

葛仙翁於女几山憑白桐木几，學道數十年，白日登仙。几化爲白鹿。御覽虎引三腳兩頭，人往往見之。事類賦注十四御覽七百十

散句

舂舟之魚，不啖蝦蟹；熊虎之爪，不剝狸鼠。

傳臆蟹譜上

江東五僞。

史通採撰篇云江東五僞始自會稽賀循齊名號爲五僞薛兼傳兼覽四百人與十郡

又同四時則典三引晉中興書五人皆與虞

會稽典錄存疑

陳囂

陳囂，字君期，京師諺語曰：『關東說詩陳君期。』書鈔一百引典錄案山陰陳囂字朗子問亦不云治詩疑有誤

沈豐

沈豐，字聖通，會稽烏程人。永平中，爲郡主簿，遷零陵太守。爲政慎刑重法，罪人詞訟，初不歷獄。嫌疑不決，一斷於口。鞭扑不舉，市無刑戮。僚友有過，亦不暴揚，有善必述，曰：『太守所不及也。』在官七年，建初閒，有紫芝甘露之瑞，論者以爲皆豐治化之應也。出歐大任志三注云：據會稽典錄楚紀參修案永建以前吳會雖未分而浙江以西士女典錄不載虞翻朱育對亦不及之歐氏蓋本謝承書及東觀記見藝文九十八御覽十二又二百六十引虞

非典
錄出

賀純

賀純，字仲眞，會稽人。先慶氏也。少卽博極羣載，十辟公府，三舉賢良，不至。後徵拜議郎侍中。時避安帝父諱，改姓爲賀。數陳災異，上便宜數十事，多見省納。遷江夏太守、徐州牧。齊中書令卽，皆其後也。出百越先賢志三注云：據會稽典故錄：元和姓纂參修案：姓纂云：後漢大將軍齊孫承書與先賢志餘語多同，疑卽歐氏所本。

沈震

沈震，字彥威，烏程人。十歲遭飢荒。忽中夜有人告震曰：「西籬下地中有米五十石，可供養旦夕，卽掘之，果獲焉。」御覽四百十一案：御覽引此條，次典錄：虞國之後，昭云：又曰：沈震云云，疑本是別書，因其前闕，失數行，遂與典故相附。

鍾離岫會稽後賢傳記

後傳序

隋書經籍志會稽後賢傳記二卷，鍾離岫撰。舊唐書經籍志新唐書藝文志並云，會稽後賢傳三卷，無記字。鍾離岫未詳其人。章宗源隋志史部攷證據通志氏族略以爲楚人。案元和姓纂云：『漢有鍾離昧，楚人。』鍾離岫撰會稽後賢傳，楚人者謂昧，今以屬岫，甚非。漢代以來，鍾離爲會稽望族，特達者衆，疑岫亦郡人，故爲邦賢作傳矣。今緝合逸文，寫作一卷，凡五人，仍依隋志題曰傳記。

會稽後賢傳記一卷

鍾離岫撰

孔愉

孔愉，字敬康。

三字御覽引有晉書本傳云愉山陰人其先世居梁國曾祖潛太子少傳漢末避地會稽因家焉祖竺吳豫章太守父恬湖東太守俱有名江左

常至吳興餘干亭，見人籠龜於路。愉買而放於溪中。案餘干當作餘不實字記九十四云餘不溪者其水清與餘杭不溪類也在武

康縣東二里。龜行至水，反顧。白帖引作左顧視愉及封此亭侯而鑄印龜首迴屈三鑄不正有

似昔龜之顧。靈德應感如此。愉悟，乃取而佩焉。蘇文九百三十一帖十三又九十八御覽九百三十一廣記一百十八

孔羣

羣字敬休，會稽山陰人。案晉書祖竺，吳豫章太守。父奕，全椒令。羣有智局，仕至御史中

丞。世說新語方正篇注

孔坦

孔坦，晉書孔愉傳云愉從子坦字君平遷廷尉卿。獄多囚繫，坦到官，躬執辭狀，口辨曲直，小大以情，不加楚撻。每臺司錄囚，無所顧問，皆面決當時之事。初學記十二

丁潭

丁潭，字世康，山陰人。案晉書有傳吳司徒固曾孫也。沈婉有雅望，少與孔愉齊名，仕至光祿

大夫。世說新語品藻篇注

謝仙女

貞女謝仙女者，謝承孫也。吳志謝夫人傳注引典錄云承子崇弟勗並知名吳歸命侯采仙女充後宮。仙女乃

灸面服醇醪，以取黃瘦，竟得免。御覽三百六十五

賀氏會稽先賢像讚

像讚序

隋書經籍志會稽先賢像贊五卷，舊唐書經籍志作四卷，賀氏撰。新唐書藝文志云，會稽先賢像傳讚四卷，其書當有傳有讚，故舊唐志史錄集錄各著其目。又有會稽太守像讚二卷，亦賀氏撰。今悉不傳。唯北堂書鈔引先賢像讚二條，此後不復見有稱引，知其零失久矣。輒復寫所存傳文爲一卷。讚竝亡。賀氏之名亦無攷。

會稽先賢像讚一卷

賀氏撰

董 昆

董昆，字文通，書鈔三十四引云字文子餘姚人也。清約守貧，并日而炊，茹荼不厭。郡守第五府君，嘉其令名，署上計吏，舉察孝廉，爲天下之最。經史德行，稱第一也。書鈔七十九又三十八

綦母俊

綦母俊爲交州刺史，詔賜高山冠。已上亦見御覽六百八十五俊作文後絳三匹，擁節受決，臨難受命，立功討滅。當作賊以報上心。書鈔七十二

朱育會稽土地記

土地記序

隋書經籍志史部地理篇，會稽土地記一卷，朱育撰。舊唐書經籍志，新唐書藝文志，竝作四卷，又削土地二字，入雜傳記類。世說新語注引土地志二條，不題撰人，蓋卽育記。所言皆涉地理。意唐志以爲傳記者，失之。其書唐宋以來，絕不見他書徵引。知闕失已久。所存逸文，亦寥落不復成篇。以其爲會稽地記最古之書，聊復寫出，以存其目。育字嗣卿，山陰人，吳東觀令。遙拜清河太守加位侍中，見會稽典錄。

會稽土地記一卷

朱育撰

山陰邑在山陰，故以名焉。世說新語言語篇注
嘉泰會稽志十二
長山靡迤而長，縣因山得名。世說新語
言語篇注

賀循會稽記

賀記序

陰人，舉秀才。除陽羨武康令。以陸機薦，召爲太子舍人。元帝爲晉王，以爲中書令。不受。轉太常，領太子太傅，改授左光祿大夫，開府儀同三司。卒贈司空，諡曰穆。見晉書本傳。

隋書經籍志會稽記一卷，賀循撰。舊唐書經籍志，新唐書藝文志皆不載。循字彥先，山

會稽記一卷

賀循撰

少康封其少子，號曰於越。越國之稱始於此。史記越王句踐世家正義寶慶會稽續志一

會稽山有禹井，去禹穴二十五步。謂禹穿鑿，故因名之。會稽三賦周世則注

石簣簣字記引作匱下同其形似簣，在宛委山上。吳越春秋云：在於二字九山東南，曰天柱山，號

曰宛委。其巖之巔，記有承以文玉，覆以磬石。御覽作盤石今從記其書金簡青玉爲字，編以白銀，皆篆

其文。此句記有禹乃東巡，登衡山，殺白馬以祭之。祭白馬因夢二字見赤繡文衣男子，自稱元夷

倉水使者，謂禹曰：欲得我簡書，知導水之方者，記作欲得我齋於黃帝之岳。記有巖之下三字禹乃

齋三月，二字登石簣。宛委作山果得其文。乃知四瀆之脈，百川之理，鑿龍門，通伊闕，果得其文

記作發金簡之理遂周行天下，記作巡行四瀆到名山大澤，召其神問之。二句使伯益疏而二字記之，

名爲山海經。御覽四十七卷防風氏身長三丈，刑者不及。乃築高塘臨之。故曰刑塘。輿地紀勝十嘉

泰會稽志二
會稽三賦注

始寧順帝永建四年，分上虞南鄉立郡。宋書州志

孔靈符會稽記

孔記序

孔靈符會稽記，隋書經籍志及新舊唐志皆不著錄。宋書孔季恭傳云：季恭，山陰人。子靈符，元嘉末爲南譙王義宣司空長史，南郡太守，尙書吏部郎。大明初，自侍中爲輔國將軍，郢州刺史。入爲丹陽尹，出守會稽。又爲尋陽王子房右軍長史。景和中，以迕近臣，被殺。太宗卽位，追贈金紫光祿大夫。諸書引會稽記，或云孔靈符，或云孔曄。曄當是靈符之名。如射的諺一條，御覽引作靈符，寰宇記引作曄，而文辭無甚異。知爲一人。藝文類聚引或作孔臯，則臯字傳寫之誤。今亦不復分別。第錄孔氏記爲一篇。其不題撰人者，別次於後。

會稽記一卷

孔靈符撰

會稽境特多名山水。峰嶸隆峻，吐納雲霧，松栝楓柏，擢幹竦條，潭壑鏡澈，清流寫注。王

子敬見之，曰：山水之美，使人應接不暇。

世說新語言語篇注引會稽郡記

郡有禹穴。案漢書司馬遷傳云：上會稽，探禹穴。又有禹井。

御覽五十四

城西門外百餘步，有怪山。越時起靈臺於山上。又作二層臺以望雲。

御覽四十七

城西北二十里，有重山。東爲大司馬滕公冢。山下路，猶謂之滕侯埭也。

書鈔九十四

重山，大夫種墓。語譌，成重山。南有白樓亭，無此句。漢江夏太守宋輔，於此御覽作立學

校教授。

已上亦見御覽四十七末云今白樓亭處是也又寰宇記教授下有又郡國志云五字

沛國桓儼，寰宇記作儼

避地至會稽。聞陳業

賢，往候之。不見。臨去，入交洲，留書繫白樓亭柱而別。

嘉泰會稽志九寰宇記九十六

會稽山在縣東南。其上，石狀似覆釜。禹夢元夷倉水使者，卻倚覆釜之上是也。今禹廟

在其下。秦始皇嘗配食此廟。

御覽四十一

會稽山南有宛委山。其上有石，俗呼石匱。路史後紀十二引作石匱下同壁立干雲，有縣度之險。升者累梯然後至焉。昔禹治洪水，厥功未就，乃躋於此山。發石匱，得金簡玉字，以知山河體勢。於是疏導百川，各盡其宜。藝文八

秦望山在州城正南。

文選顏延年謝監詩注又爲衆峰之傑。人境便見。寰宇記九十六板蘿

捫葛然後能升。山上無甚高木。當由地迴多風所致。水經漸江水篇注引記昔秦始皇登此，使李斯刻石。其碑見在。藝文八

亭山晉司空

河無忌臨郡起亭山椒極望巖阜基址猶存因號亭山御覽四十七

孔愉爲會稽內史，在郡三年，乃營山陰湖南侯山下爲宅居之。見兩浙金石志五未詳所本

永興縣東北九十里有余山，傳曰是塗山。案越書禹娶於塗山。塗山去山陰五十里。檢

其里數，似其處也。藝文八

縣東南十八里有射的山。東高巖臨潭。有射的石，遠望有白點。已上二句依御覽四十

補引的如射侯，形甚圓明，視之如鏡。已上二句依御覽四十一又四十七引補射的之西，御覽引有石室。壁方三

丈，謂之射堂。傳云：羽客之所游憩。土人常以此占米穀。寰宇記引貴賤。射的明，則米賤；闇則

米貴。諺曰：射的白，斛一百；射的玄，斛一千。藝文八寶字記九十六

射的山南，御覽引西南水中，二字御有白鶴山。鶴爲仙人取箭，曾刮壤尋索，遂成此山。御覽

此二句亦漢太尉鄭弘少貧賤，以采薪爲業。嘗於山中得一遺箭。羽鏃異常，心甚怪之。少貧見藝文八

已上後漢書注引作嘗采薪得頃之，有人兌箭。弘還之，問何所欲。弘識其神人也。曰：常患若

一遺箭。今據御覽四十七引補得頃之，有人兌箭。弘還之，問何所欲。弘識其神人也。曰：常患若

邪溪載薪爲難。願旦南風，莫北風。後果然。已上亦見御覽四百八十九事類賦注八百故若邪溪風至今猶然，呼爲

鄭公風也。後漢書鄭弘傳注亦名樵風。會稽三賦周世則注

射的山西南，有白鶴，爲仙人取箭，因號箭羽山。會稽三賦周世則注

縣東北六十里，有土城山。句踐索美女以獻吳王，得諸暨羅山賣薪女西施，鄭旦。先教

習於土城山。山邊有石，云是西施澣紗石。藝文八御覽四十七

銅牛山舊傳常有一黃牛出山巖食艸。采伐人始見，猶謂是人所養。或有共驅蹙之，垂

及，輒失。然後知爲神異。御覽四十七嘉泰會稽志九

永興縣東五十里，有洛思山。漢太尉朱雋爲光祿大夫時，遭母哀，欲卜墓此山。將洛下

冢師歸，登山相地。冢師去鄉既遠，歸思常深。忽極目千里，北望京洛，遂縈咽而死。葬山頂。故

以爲名。

御覽四十七嘉泰會稽志六

牛頭山臨江，山在縣東南。水陸并行二十里。其山北，江水迴流，舟行信宿，猶未經過。說者

云：牛頭，苧羅，一日三過。實字記九十六

北幹山

許詢家於此山之陽。會稽三賦周世則注

許玄度巖徵士高陽許詢幽居之所。實字記九十六

上虞縣有龍頭山，上有蘭峯。峯頂盤石，廣丈餘。葛洪學仙，坐其上。御覽四十七

餘姚縣南百里，有太平山，山形似繖，四角各生一木。木不雜糅。三陽之辰，花卉代發。文

八延祐四明志七

縣南有三字依實字記九十四明山。高峯帙雲，連岫蔽日。初學記五刻錄二

羅壁山山有虞國墅，襟帶山溪，表裏疇苑。洛陽人來，云巖囿天勢，具體金谷。鄒太宰遍游

諸境，棲情此地。每至良辰，攜子弟游憩。後以司空臨郡，遂卜居之。嘉泰會稽志六

虞國，餘姚人。漢時爲日南太守，有惠政。行部，有雙雁隨軒翔舞，及還餘姚，慶會稽續

家滿還。雁亦隨歸。國卒，雁棲於墓側。後遂成羣。今餘姚有雙雁鄉。會稽三賦周世則注嘉泰會稽志六

靈緒山

山有三足白麋。昔虞翻嘗登此山，水經漸江水篇注云登楮山也望四郭，誠子孫曰：可留江北居。

後世祿位，當過於我，聲名不及爾。然相繼代興，居江南，必不昌。今諸虞氏由此悉居江北也。

嘉泰會稽志六

餘姚江源出太平山東，至浹江口入海。文藝八

剡縣治本在江東。吳賀齊爲剡令，移理今所。實字記九十六嘉泰會稽志十二剡錄一

剡縣西七十里，有白石山。上有瀑布，水懸下三十丈。巖際有蜜房。採蜜者以葛藤連結，

然後得至。御覽四十七

剡縣有嵯山。文選江文通雜體詩注

諸暨縣西北有烏帶山。其上多紫石。世人莫之知。居士謝敷少時，經始諸山，往往遷易，

功費千計，生業將盡。後游此境，夜夢山神語之曰：嘗以五千萬相助。覺甚怪之。旦見主人牀

下有異石，色甚明澈。試取鑿拭，乃紫石也。因問所從來。云：出此山。遂往掘之。果得其利不資。

御覽四十七事類賦注七

諸暨縣北界有羅山。越時，西施，鄭旦所居所。有方石，是西施曬紗處。今名紵羅山。已上亦見

十書引綜作一百六王羲之墓在山足。有石碑，孫興公爲文，王子敬所書也。御覽四十七嘉泰會稽志六引末三句

始寧縣有壇醺山。相傳云：仙靈所醺集處。山頂有十二方石。石悉如坐席許大，皆作行

列。御覽四十七

始寧縣西南有嶧山。文選江文通雜體詩注

天台山舊居五縣之餘地。五縣者，餘姚、鄞、句章、剡、始寧也。文選孫興公游无台山賦注御覽四十七

赤城山土御覽作赤選注作名疑色皆赤。巖岫連沓，狀似雲霞。懸溜選注千仞，謂之瀑

布，飛流灑散，冬夏不絕。山谷絕澗，崢嶸無底，長松蔓藟，幽藹其上。御覽四十一文選孫興公游天台山賦注寰宇記九

十八輿地紀勝十二

赤城山上有石橋懸度，有石屏風橫絕橋上，邊有過徑，纔容數人。文選孫興公游天台山賦注

赤城山內則有天台、靈獄、石紀勝作玉室、瑤臺。藝文七白帖六御覽四十一臺作堂紀勝十二

陳音山。昔有善射者陳音，越王使簡士卒，習射於郊外。死因葬焉。今開二字志冢壁悉

猶作畫作騎射之象。嘉泰會稽志六引上二句御覽四十七事類賦注七

顏烏會稽人，事親孝。父亡，負土成墳。羣烏銜土助之，其吻皆傷。因以名縣。歐大任百越先賢志四

志三又云徐栩字敬卿會稽由拳人少爲獄吏執法詳明遷小黃令時陳留遭蝗野無遺種小黃飛逝不集刺史行部奏栩他事栩去官蝗即日至刺史姚謝令還邑蝗即去後爲長沙太守案由拳漢順帝時已屬吳郡孔記不當有歐氏誤也

雷門上有大鼓圍二丈八尺聲聞洛陽孫恩之亂軍入斫破有雙白鶴飛出後不鳴字

記九十六嘉泰會稽志十三
下並引會稽記不著撰人名

禹廟山始皇崩邑人刻木爲像祀之配食夏禹後漢太守王朗棄其像江中像乃泝流而

上人以爲異復立廟

嘉泰會稽志六
與地紀勝十

東海聖姑從海中乘石船張石帆至二物見在廟中嘉泰

會稽志十三
引此二句

又有周時樂器名鐸于

會稽三賦周世
則注亦引此句銅爲之形似鐘有頸映水用芒莖拂之

則鳴宋武帝修廟得古珪梁武初修之又得青玉印御覽四十七寶字記九十六會稽三賦
周世則注引末二句案此非孔記

白樓亭在山陰臨流映壑也世說新語
賞譽篇注

高遷亭漢議郎蔡邕避難宿於此亭仰觀椽竹知有奇響因取爲笛遂以爲寶器寶字記
九十六

漢順帝永和五年會稽太守馬臻創立鏡湖在會稽山陰兩縣界築塘蓄水高丈餘田

又高海丈餘若水少則泄湖灌田如水多則開湖泄田中水入海所以無凶年隄塘周迴五

百一十里溉田九千餘頃御覽六十六案宋時無會稽
縣此非孔記或後人所增改

創湖之始，多淹塚宅。有千餘人怨訴於臺。臻遂被刑於市。及臺中遣使按鞠，總不見人。

驗籍，皆是先死亡人之名。御覽六十六寶字記九十
六嘉泰會稽志二又六

百官者，丹朱案當云百官從舜于此。會稽三賦
周世則注

赤堇 昔歐冶造劍於此山，云涸若邪而採銅，破赤堇而取錫。寶字記九十六寶
慶四明志十四

餘姚 吳將朱然爲令時所築。嘉泰會稽
志十二

東晉丞相王導云：初過江時，有道人神采不凡，言從海來相造。昔與育王共游鄞縣，下

真舍利，起塔鎮之。育王與諸真人捧塔，飛行虛空入海。諸弟子攀引，紀勝引
作不引一時俱墮，化爲

鳥石。石猶人形。釋道宣三寶感通錄一釋
道世法苑珠林三十八至今邨名塔墅，嶼名烏石。與地紀
勝十一

舜上虞人。去虞三十里，有姚丘，即舜所生也。史記五帝本紀
正義引舊記

禹葬茅山，有聚土平壇，人工所作，故謂之千人壇。嘉泰會稽志十八云
史記正義引舊記

諸暨東北一百
七里有古越城越之中葉，在此爲都。離宮別館，遺基尙在。悉生豫章，多在門階之側，行

伍相當，森聳可愛。風雨晦朔，猶聞鐘磬之聲。百姓至今多懷肅敬。三寶感通錄
一引地記

句章縣東北百
四十里有沙塘道秦始皇追安期先生於蓬萊，至口而息。故此塘道至今宛然。三寶感
通錄一

引地記

鄞縣濱多石華。

御覽九百四十二引會稽地理記

昔葛洪

與地紀勝十作葛玄

隱於蘭莚山。

後於此仙去。

所隱几，化爲生

當作白

鹿而去。

此山今有素

鹿三腳。

此鹿若鳴，官必有殿黜。

袁字會稽錄一卷記

董昌事乃別

案唐書

疑會稽記之誤

乾寧

會稽記之誤

誤

夏侯曾先會稽地志

地志序

夏侯曾先會稽地志，隋書經籍志及新舊唐志皆不載。曾先事迹，亦無可攷見。唐時撰述已引其書，而語涉梁武，當是陳隋間人。

會稽地志一卷

夏侯曾先撰

南面建山萬里，北帶滄海千里。寰宇記九十六引夏侯曾先吳地志案吳字衍

射的山北有石壁，高數十丈。中央稍紆，狀如張帆；下有文石，狀如鶴人，亦謂之石鶴山。

會稽三賦一名石帆。嘉泰會稽志九周世則注

射的山北有石帆，壁立臨水。御覽引漫寰宇記引作通石互。寰宇記山遙望凡凡，有似張

帆。又名玉箭山，又名石簀山。已上亦見初學記八下有縣巖名爲射堂。傳云：仙人常射於此，使白鶴取

箭。御覽四十一寰宇記九十六

射的山西北銅牛山，是越王鑄冶之處。嘉泰會稽志九亦引昔有銅牛見於靈汜橋，人逐之，奔入

此山。掘地視之，悉銅屑也。因名之。寰宇記九十六會稽三賦周世則注

龜山之下有東武里，卽琅邪東武縣山一夕移於此。東武人因徙。御覽一作皆徙此故里不動。

御覽四十七又一百七十一寰宇記九十六

越王之宮，范蠡立於淮陽。

嘉泰會稽志十八里今會稽縣北三里甘澗巷北也

連山長岡九里，西北至定山。始皇欲置石橋渡浙江。今尚有石柱數十，列於江際。

會稽賦

則周世

吳王伐越，次查浦。

延祐四明志二十引此句

越立城以守查。吳作城於浦東以守越。以越在山絕水，

乃贈之以鹽。越山頂有井，深不可測，廣二丈餘，中多魚。乃取一雙以報吳。吳知城中有水，遂

解軍而去。

嘉泰會稽志一與地紀勝十

夏靜墓

在蕭山縣

案唐天寶元年始改永興爲蕭山縣此疑後人所易

東螺山。螺山者，其形似也。

嘉泰會稽志六

白馬湖

驛亭埭南，有漁浦湖，深處可二丈。

漢周舉

寶慶會稽續志四引唐利濟廟記云晉上虞宰周鵬舉之誤

乘白馬，

游而不出，以爲地仙。白馬湖之名由此。

嘉泰會稽志十

餘姚縣有孝女曹娥，父汭溺死。娥年十四，號痛入水，因抱父屍出而死。

御覽九百七十八引云曹

娥父溺死娥見瓜浮其處即得父屍縣令度尙使弟子邯鄲淳爲碑文。後蔡邕過碑讀之，乃題八字曰：黃絹幼

婦，外孫蕭曰。寰宇記九十六

虞翻墓

在餘姚羅壁山下。

嘉泰會稽志六

湖穴吳時望氣者鑿斷此山。案山名未詳餘姚志亦不載故以名湖。周六里。西有土門。嘉泰會稽志十

梅湖又有溪澳。寰宇記九十六與地紀勝十

舜橋，舜避丹朱於此。百官從之，故亦名百官橋。寰宇記九十六

鳥帶山梁武帝遣烏簞採石英於此山而卒。後人立廟，帶簞聲之誤也。嘉泰會稽志六

剡縣有桐柏山，與四明天台相連，屬皆神仙之宮也。寰宇記九十六

縣西六十里有太白山，峻極於天。會稽三賦注引有此句連巖崔嵬，吐雲含景。又有小白山相連，

卽趙廣信鍊九革丹登仙之所也。寰宇記九十六刻錄二上有白猿，赤獍，吐綬鳥。會稽三賦周世則注亦有鬼谷

子廟。輿地紀勝十一三面連山，前有清溪之水，泉源不竭。山崖重疊，雲霧蔽虧。乾道四明圖經二寶祐

十四明志十五

大隱山，南入天台，北峯爲四明東足。寶慶四明志十四引謝康樂鍊藥之所也。晉虞

喜之召不就，遁跡此山，因以爲名。輿地紀勝十一延祐四明志七

喜字仲靈，會稽餘姚人也。晉帝嘗三詔之。官至太學博士，封建寧侯。乾道四明圖經五

新婦巖西北臨溪水，其石五色，望之頗似花鈿。新婦首飾，故曰新婦巖。寰宇記九十七寶慶

十四明志

赤莧山上有磐石，可坐千人。秦始皇遣徐福求訪神仙，嘗至。二句亦見與地紀勝十一昔有赤

莧仙人嘗居此，因以名焉。寶慶四明志十四

埋馬山雞秦始皇游海至此，馬斃，埋之。故以爲名。與地紀勝十一寶慶四明志十六延祐四明志七

仙雞 上有石井石牀，又有銅瓶，非人力所能舉，有石雞，俗云是扶桑雞飛下，因以爲

名。與地紀勝十一寶慶四明志十六延祐四明志七

羅城 劉牢之築以塞三江之口。乾道四明圖經一

錢湖 其湖承錢埭水，故號錢湖。乾道四明圖經二

昔歐冶子澗若邪之溪而出銅，破赤堇之山而出錫。初學記八

翁洲上有徐偃王城。傳云：昔周穆王巡狩，諸侯共尊偃王。穆王聞之，令造父御，乘腰褭

之馬，日行千里，自還討之。或云：命楚王帥師伐之。偃王乃於此處立城以終。史記秦本紀索隱

長山 山高五十餘丈，其頂平博。有石室，可坐百人。嘉泰會稽志九

銅牛鐵冶 越王鑄劍之所。以銅滓，不生艸木。嘉泰會稽志十

諸暨西北百里有許公廳晉時高陽許詢，字玄度，與沙門支道林爲友。每相從歷覽山水。至此，乃棲

焉。晉辟度爲司徒掾，徵不就。後詣建業，見者傾都。劉恢爲丹陽尹，有名當世。日數造之。歎曰：今見許公，使我遂爲輕薄京尹。於郡立齋以處之。至於梁代，此屋猶在。許掾旣反，劉尹嘗至其齋曰：清風朗月，何嘗不恆思玄度矣。釋道宣三寶感通錄一引地誌

句章東三百餘里阿育王造，八萬四千塔，此其一也。宋會稽內史孟顗修理之。山有石坎，方可三尺，水味清淳，冬溫夏冷。三寶感通錄一引地誌

上虞縣東南，有冢二十餘墳。宋元嘉之初，湖水壞其大冢。初壞一冢，塹題文曰：居在本土厥姓黃，卜葬于此大富強。易卦吉，龜卦凶。數磚置縣樓下池中。錄之，悵然而已。御覽五百五十九引

會稽郡十城地志

會稽郡故書雜集終

別 / 2

号 44515

K. \$ 1.30

PUBLISHED
IN
HONG KONG